

**U.S.A-p Kalaallit Nunaatalu naalakkersuisuisa nunarsuarmi
sumiluunniit umiarsuartigut timmisartutigullu angallassinerni
iluanaarutinik akileraartannginnissamik isumaqatigiissutaat.**

Isumaqatigiissutip imarai nunarsuaq tamakkerlugu umiarsuartigut timmisartutigullu angallassinerni iluanaarutit akileraarutigisannnginnissaat; aammalu

Danskit naalagaaffiat isumaqatigiissuteqarfigereerlugu Nunarsuarmioqatigiit Inatsisaat naapertorlugit isumaqatigiissuteqarneq;

U.S.A-mi Kalaallillu Nunaanni naalakkersuisut makku isumaqatigiissutigaa:

Immikkoortoq I

a) AKILERAARUTIT MAKKU PINEQARPUT:

- (i)** namminersornerullutik oqartussat akileraartitsisarnerat nalinginnaasoq;
- (ii)** namminersornerullutik oqartussat immikkut akileraartitsisarnerat;
- (iii)** kommunit ataasiakkkat akileraartitsisarnerat
- (iv)** kommunit akornini akileraartitsisarnerit
- (v)** suliffeqarfiit akileraartarneri
- (vi)** agguagarsianik akileraarusiisarnerit
- (vii)** ajunngitsorsianit iluanaarutinik akileraarusiisarnerit; kiisalu
- (viii)** isumaqatigiissuteqarnerup kingorna qulaani taaneqartunut ilanngunneqarsimasut, taarsiunneqarsimasunulluunniit akileraarusiineq (atsioreernerup kingorna taaneqalersussat "Kalaallit Nunaanni Akileraarutaasussat"),

aamma

b) U.S.A-p naalagaaffeqatigiivisa akileraarusiisarneri immikkoortuni 884-imi aamma 887-imi ilanngunneqarsimasut (atsioreernerup kingorna taaneqalersussat "U.S.A-mi Akileraarutaasussat").

Immikkoortoq II

ERSEQQISSAANERIT

1. Isumaqatigiissutip allanngortinneqarsimaneranut ilassutissaqartoqanngippat ima taaneqalissapput:

- a) "Kalaallit Nunaanni akileraartarnej" imalt. "U.S.A-mi akileraartarnej";

- b) Illuatungeriit isumaqatigiissuteqarsinnaalersut tassaapput naalakkersuisut sinnerlugit isumaqatigiissuteqartut, partiit naalakkersuisuusut immikkoortortaqarfii, illuatungeriilluunniit atsioqataasut innuttaat ataasiakkaat isumaqatigiissut malillugu atsiortuusut;

- c) Umiarsuartigut timmisartutigullu angallassinert, soorlu inunnik, nassatanik, uumasuutunik, nassiussanik, tuniniagassanik, allakkanilluunniit nassiussinert; ilaavortaaq billetsinik tuniniaanerit, taamatullu angallassinerni uppersarsaatit imaatigut silaannakkullu angallassisunit attartortitsisunillu pigineqartut;

- d) Oqariartaatsimi "nunarsuaq tamakkerlugu angallassinerni" immikkoortumi (c)-mi taaneqartuni isumaqatigiissuteqartut oqartussaassuseqarfiini kisimiillutik angalasut pineqarput;

- e) Oqariartaatsimi "imaatigut silaannakkulluunniit angallasinerni iluanaarutini" makku pineqarput:
 - i) Nunarsuaq tamakkerlugu imaatigut silaannakkullu iluanaaruteqaatigalugu angallassinert attartortitsinerillu;

 - ii) Nunarsuaq tamakkerlugu umiarsuarnik timmisartunillu useqanngitsunik ilaasoqanngitsunillu attartortitsinerni iluanaarutit;

 - iii) Nunarsuaq tamakkerlugu containerinik assigisaannillu attartortitsinerni iluanaarutit;

iv) Isumaqatigiissut aallaavigalugu angallassissutinik tuniniaanerni iluanaarutit;

v) Nunarsuaq tamakkerlugu peqateqarluni, piginneqateqarluniluunniit umiarsuarnik silaannakkoorutinillu attartortitsinerni suleqatigiinnerniluunniit iluanaarutit;

2. Isumaqatigiissut manna tunngavigalugu, allanik allassimasoqanngippat, atsioqatigiinnermi isumaqatigiissutit malinneqassapput.

Immikkoortoq III

IMAATIGUT SILAANNAKKULLU ANGALLASSINERIT

1. Isumaqatigiissuteqartut akornini attartortitseqatigiinnerni akileraartoqassanngilaq.
2. Suleqatigiinnerni iluanaaruteqartoqassappat illuatungeriit isumaqatigeeqqaassapput.

Immikkoortoq IV

ISUMASIOQATIGIINNERIT ALLANNGUINERILLU

1. Isumaqatigiissuteqartut arlaat isumasioqatigiinnissamik piumasaqarpat allaganngorlugu piumasaaqatigineqassaaq. Isumasioqatigiinneq pissaaq allakkat tiguneriniit ullut **60**-it qaangiutsinnagit.
2. Isumaqatigiissuteqartut akornini paatsuunganangitsumik piumasaaqartoqartassaaq.
3. Isumaqatigiissut allaganngorlugu illuatungeriinnit akuerineqassaaq.

Immikkoortoq V

ATORTUULERSINNERA

- 1.** Isumaqatigiissuteqartut inatsisit tunuliaquttatik tunngavigalugit nunat aallartitaat aqutugalugit allakkatigut ilisimatitseqatigiittassapput.
- 2.** Immikkoortoq **1** tunngavigalugu ilisimatitseqatigeereernerup kingorna Isumaqatigiissutip oqaasertai tunngavigalugit ukiup akileraarfiusussap aallartinnerani (**1. januar**) tamatigut atortuutinneqalertassaaq.

Immikkoortoq VI

ATORUNNAARSINNERA

Nunat aallartitai aqutugalugit isumaqatigiit ilisimatitseqatigeereernerisa kingorna Isumaqatigiissut atorunnaarsinneqassaaq.

ISUMAQATIGIISSUTIP ASSILINERI ILANNGULLUGIT ATORTUULERSINNEQARPOQ

ulloq _____ qaammat _____ ukioq _____

MATUMUUNA UPPERNARSARNEQARPOQ Isumaqatigiissut naalakkersuisut marluitt akuersinerisigut atortuulersoq.

KALAALLIT NUNAATA NAALAKKERSUISUI SINNERLUGIT:

U.S.A-p NAALAKKERSUISUI SINNERLUGIT: